



KEMENTERIAN PENDIDIKAN DALAM NEGERI
DIA KHAL EHMAL PENGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

17 JUN 2022 (JUMAAT)



KERATAN AKHBAR DAN MEDIA ONLINE (KPDNHEP)

17 JUN 2022 (JUMAAT)

Subsidi pukal dihapuskan berperingkat

PUTRAJAYA: Pemberian subsidi secara pukal akan dikurangkan dan digantikan dengan subsidi bersasar secara berperingkat bermula hujung bulan ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, langkah itu diambil kerana kerajaan bimbang ekonomi negara tidak mampu bertahan sekiranya subsidi berterusan diberikan secara pukal seperti sekarang.

Katanya, subsidi bersasar itu akan melibatkan barangan atau produk tertentu yang menyasarkan pengguna daripada golongan berpendapatan rendah.

Katanya, kaedah baharu itu dibuat selepas kerajaan memutuskan untuk menghentikan penetapan harga maksimum tetapi akan terus membantu pengguna yang tidak berkemampuan.

"Inisiatif ini adalah satu kerjasama dengan Kementerian Kewangan yang dijangka dilaksanakan hujung bulan ini bagi



ALEXANDER Nanta Linggi (kiri) menyerahkan watakah pelantikan Ahli Majlis Penasihat Pengguna Negara (MPPN) kepada Mohd Azmi Abd. Hamid di Putrajaya, semalam. - UTUSAN/FAISOL MUSTAFA

membantu mereka yang berpendapatan rendah berdepan kenaikan harga barangan keperluan.

bagi menggantikan sistem subsidi pukal sedia ada dan ia akan dilakukan secara berperingkat," katanya selepas menyempurnakan Majlis Pelancaran Portal My Safe dan Penyerahan Watakah Pelantikan Majlis Penasihat Pengguna Negara (MPPN), semalam.

Antara produk yang menerima subsidi pukal ialah petrol.

Menurut Alexander, ada golongan berkemampuan yang tidak memerlukan subsidi tetapi turut menikmatinya jika subsidi diberi secara pukal.

"Mereka tidak memerlukan jika dibandingkan dengan rakyat yang berpendapatan rendah jadi kita fokus kepada golongan yang berpendapatan rendah ini," ujar beliau.

Alexander berkata, ketika ini proses dan mekanisme pemberian subsidi bersasar tersebut masih berjalan memandangkan ada beberapa pendekatan yang perlu diambil kira dan ia akan diumumkan Kementerian Kewangan dalam masa terdekat.

Subsidies for target groups only

Aid mechanism to be in place before chicken ceiling price ends

"We are thinking of the best way to give targeted aid to groups who need assistance."

Datuk Seri Alexander Nanta Linggi

By MAZWAN NIK ANIS
newsdesk@thestar.com.my

PUTRAJAYA: Various mechanisms are being thought out to ensure aid reaches its target groups, as consumers are expected to pay more for chicken when the ceiling price scheme ends, said Domestic Trade and Consumer Affairs Minister Datuk Seri Alexander Nanta Linggi.

He said the Finance Ministry is looking into this, adding that a multi-approach method would be adopted in giving out the subsidy.

"We are trying to depart from giving blanket subsidies. This is not the best way to help the people and the economy cannot sustain this.

"Now, we are thinking of the best way to do it, to give targeted aid to groups who need assistance," he said after presenting appointment letters to members of the Consumer Advisory Council yesterday.

Prime Minister Datuk Seri Ismail Sabri Yaakob had announced that effective July 1, subsidies will be given directly to people in need.

The aid mechanism is expected to

be in place before the chicken ceiling price ends at the end of the month, after which prices are determined by supply and demand.

The government has capped the price of standard chicken at RM8.90 per kg since Feb 5 to ensure chicken prices remain affordable to consumers.

Explaining this, Nanta said it was not feasible to have the ceiling price policy enforced for too long as it would affect the industry.

"When the industry is affected, it will not be able to produce chick-

ens. If they can't produce sufficiently, we may have to depend on imports and this should not be the case," he added.

Nanta said that nevertheless, industry players and producers could not indiscriminately put a price tag on chicken.

"They must not take advantage of raising the price too much.

"It will have to be at a reasonable margin.

"There should not be elements of profiteering or action will be taken," he warned.

Harga ayam terus dipantau

KPDNHEP beri amaran tindakan tegas kepada peniaga

Oleh Mohd Iskandar Ibrahim
mohd_iskandar@bh.com.my

Putrajaya: Kementerian Perdagangan Dalam Negeri dan Hal Ehwal Pengguna (KPDNHEP) memberi amaran supaya peniaga tidak menaikkan harga ayam dengan keterlaluan susulan penamatan Penentuan Harga Maksimum Ayam, hujung bulan ini.

Menterinya, Datuk Seri Alexander Nanta Linggi, berkata pihaknya akan terus memantau dan mengambil tindakan tegas berdasarkan peruntukan undang-undang jika menerima aduan kenaikan drastik harga bekalan terbabit.

"Kita sudah umumkan bahawa

selepas Jun ini, harga ayam akan diapung tertakluk kepada bekalan dan permintaan.

"Bagaimanapun, ia bukan bermakna apabila kita apungkan harga ayam, ia dibiarkan begitu sahaja kerana kita terus pantau dan jika ada aduan, ada pencatutan selepas siasatan, KPDNHEP akan bertindak gunakan akta sedia ada," katanya.

Beliau berkata demikian pada sidang media selepas menyempurnakan Majlis Penyerahan Waktikan Pelantikan Ahli Majlis Penasihat Pengguna Negara (MPPN) Sesi 2022-2023 di sini, semalam.

Kerajaan sebelum ini melanjutkan Penentuan Harga Maksimum Ayam dan Telur bagi ayam standard, ayam super dan telur ayam sehingga 30 Jun ini sejak ia dilaksanakan pada Januari lalu.

Ia bermakna, harga ayam akan mula diapungkan selepas tarikh berkenaan.

Perdana Menteri, Datuk Seri Ismail Sabri Yaakob, sebelum ini dilaporkan berkata kerajaan tidak lagi memberi subsidi kepada penternak sebaliknya menyalurkannya kepada rakyat yang memerlukan terutama golongan B40.

Beliau berkata, langkah terbabit bertujuan mengurangkan bebanan rakyat supaya tidak terlalu tertekan dengan kenaikan harga barang.

Alexander berkata, inflasi bukan sahaja melanda Malaysia malah di seluruh dunia sehingga memberi kesan kepada kenaikan harga barangan.

"Kita dalam masa tertekan sebagai sebuah negara, ekonomi kerana inflasi yang melanda bukan sahaja negara kita malah

seluruh dunia.

"Ia bukan lagi sekadar permintaan dan bekalan seperti biasa kerana sekarang banyak isu berkaitan, gangguan kepada rantaian seperti pengangkutan, peperangan Russia-Ukraine dan keadaan cuaca terutama di negara pengeluar.

"Bukan kita tidak pedulikan pengguna, tetapi kita dapati jika terlalu lama buat sekatan harga, ia menjejaskan industri dan boleh menjurus kepada keadaan ayam pun tak dapat dikeluarkan di negara ini jika industri terjejas.

"Jika sampai ke tahap itu, kita mungkin bergantung kepada pengimportan ayam dan ia tidak patut berlaku," katanya.

Terdahulu, beliau menyampaikan waktikan pelantikan kepada 16 ahli MPPN baharu diketuai aktivis pengguna, Mohd Azmi Abd Hamid.

Antara yang dilantik adalah Pengarang Kumpulan BH, Datuk Ahmad Zaini Kamaruzzaman.



Alexander Nanta
Linggi

Harga ayam akan naik bulan depan apabila diapungkan

Kementerian Kewangan
rangka pemberian
bantuan kepada golongan
memerlukan yang akan
dimuktamad
hujung bulan ini

PUTRAJAYA

Harga ayam dijangka naik bulan depan apabila ia diapungkan ekoran berakhirnya skim harga maksimum runcit ayam pada 30 Jun ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, susulan jangkaan kenaikan harga ayam, Kementerian Kewangan sedang merangka pemberian bantuan kepada golongan memerlukan yang akan dimuktamadkan hujung bulan ini.

"Kementerian Kewangan akan laksanakan sesuatu untuk bantu mereka memerlukan dalam berdepan dengan kenaikan harga ayam di pasaran," katanya pada sidang akhbar selepas majlis perhimpunan bulanan Kementerian Perdagangan Dalam Negeri dan Hal

Ehwal Pengguna (KPDNHEP) di sini pada Khamis.

Pada masa ini kerajaan menetapkan harga maksimum runcit ayam dan telur bagi Semenanjung Malaysia bagi ayam bulat standard adalah pada RM8.90 sekilogram dan ayam bulat super (disembelih dan dibersihkan tanpa kaki, kepala, hati dan hempedal) pada RM9.90 sekilogram.

Sebelum ini, dilaporkan penternak berharap kerajaan mengapungkan harga ayam susulan penamatan subsidi kepada mereka. Perdana Menteri, Datuk Seri Ismail Sabri Yaakob berkata, berkuat kuasa 1 Julai, Putrajaya tidak lagi akan memberikan subsidi kepada penternak ayam.

Nanta berkata, penamatan skim harga maksimum ayam bukan bermaksud kerajaan tidak mempedulikan pengguna, tetapi ia boleh menjejaskan industri ternakan ayam dalam jangka masa panjang, termasuk keadaan negara tidak lagi dapat mengeluarkan sumber ayam sendiri dan terpaksa mengimport.

"Sebab itu perlu diteliti secara mendalam dan seharusnya kita hentikan harga maksimum dan bantu pengguna yang berpendapatan rendah cara lain, bukan lagi subsidi pukal," ujarnya.



NANTA LINGGI

Nanta dalam pada itu mengingatkan pemain industri agar tidak menggunakan kesempatan menerusi harga apungan dengan menaikkan harga ayam sewenang-wenangnya.

Apabila harga ayam diapungkan, katanya KPDNHEP akan turut memantau aspek harga dan jika perlu akan menggunakan kuasa di bawah Akta Kawalan Harga dan

Antipencatutan (AKHAP) 2011 sekiranya terdapat peniaga mencatut, yakni mengambil untung suatu barangan atau perkhidmatan secara berlebihan.

"Saya harap pihak industri tidak akan mengambil kesempatan dan menaikkan harga terlalu tinggi. Kita boleh terima sekiranya ia dilaksanakan dengan berpatutan, kerana kita pun tahu bahawa kos operasi telah meningkat," jelasnya.

Pada majlis perhimpunan bulanan itu, Nanta menyerahkan watak pelantikan kepada 12 daripada 16 Ahli Majlis Penasihat Pengguna Negara (MPPN) 2022-2023. Ditubuhkan pada 2000, MPPN dianggotai wakil persatuan pengguna, ahli akademik dan pertubuhan bukan kerajaan bagi membincangkan isu kepenggunaan. - Bernama

Chicken prices may soar once floated

PUTRAJAYA: The price of chicken is expected to rise next month when it is floated, following the end of the maximum retail price scheme on June 30.

Domestic Trade and Consumer Affairs Minister Datuk Seri Alexander Nanta Linggi said following the possibility of price hikes involving chicken, the Finance Ministry was planning to provide assistance to the needy, which would be finalised by the end of the month.

"The ministry will do something to help those in need," he said after the monthly assembly of the Domestic Trade and Consumer Affairs Ministry yesterday.

The government had set the maximum retail price of standard chicken at RM8.90 per kilogramme and super chicken (slaughtered and cleaned without legs, head, liver and gizzard) at RM9.90 per kilogramme.

Previously, chicken breeders had expressed hope that the government would allow a free float of chicken prices, following its decision to end the subsidies issued to breeders effective July 1.

Alexander reminded industry players not to take advantage of the floating price.

"I hope industry players would not take advantage and raise the price too much. We will accept it if it is reasonably done, as we all know that the cost of operation has increased," he said. - Bernama

Jangan naik harga ayam terlalu mahal

Putrajaya: Peniaga diberikan amaran tidak menaikkan harga ayam terlalu mahal susulan penamatan Penentuan Harga Maksimum Ayam hujung bulan ini.

Menteri di Kementerian Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, pihaknya akan terus memantau dan sedia mengambil tindakan tegas berdasarkan peruntukan undang-undang sedia ada jika ada aduan kenaikan drastik harga bekalan terbabit.

"Sudah diumumkan bahawa selepas Jun ini, harga ayam akan diapungkan tertakluk kepada bekalan dan permintaan.

"Namun, ia tidak bermakna apabila kita apungkan harga ayam, kita membiarkan begitu sahaja. Kita masih pantau dan jika ada aduan, ada pencatutan selepas siasatan, KPDNHEP akan gunakan akta sedia ada," katanya selepas Majlis Penyerahan Watikan Pelantikan Ahli Majlis Penasihat Peng-

guna Negara (MPPN) Sesi 2022-2023 di sini, semalam.

Kerajaan sebelum ini melanjutkan Penentuan Harga Maksimum Ayam dan Telur bagi ayam standard, ayam super dan telur ayam hingga 30 Jun ini sejak ia dilaksanakan Januari lalu.

Ia bermakna, harga ayam akan mula diapungkan selepas tarikh berkenaan.

Malah Perdana Menteri, Datuk Seri Ismail Sabri Yaakob sebelum ini dilaporkan berkata, kerajaan tidak lagi memberi subsidi kepada penternak sebaliknya menyalurkannya kepada rakyat yang memerlukan terutama golongan B40.

Beliau berkata, langkah itu bertujuan mengurangkan bebanan rakyat supaya tidak terlalu tertekan dengan kenaikan harga barangan.

Mengulas lanjut, Alexander berkata, inflasi yang melanda bukan sahaja di Malaysia malah di seluruh dunia hingga memberi kesan kepada kenaikan harga barangan.

Barang 27 kes dilupus

Termasuk 162kg daging kerbau diisytihar daging rusa bernilai RM1k

Oleh Norzamira
Che Noh
am@hmetro.com.my

Shah Alam

Sejumlah 162 kilogram (kg) daging kerbau yang diisytiharkan sebagai daging rusa antara barang rampasan yang dilupus dalam program Pelupusan Ekshibit Perdana Kementerian Perdagangan Dalam Negeri dan Hal Ehwal Pengguna (KPDNHEP) Selangor di sini, semalam.

Ketua Pegawai Penguatkuasa KPDNHEP Selangor, Mohd Khairi Jamaludin berkata, barangan kes dianggarkan bernilai lebih RM1,000 itu dirampas dari sebuah kedai pemborong di Taman Sri Muda, Seksyen 25 di sini, pada 2020.

"Mereka didapati mengambil kesempatan mengaut keuntungan dengan mengisytiharkan daging kerbau sebagai daging rusa.

"Sekilogram daging ker-



MOHD Khairi (dua dari kanan) melupuskan pelbagai barangan rampasan termasuk barangan tiruan di Stor Ekshibit Bukit Raja, semalam. - Gambar NSTP/FAIZ ANUAR

bau hanya berharga RM28 berbanding daging rusa asli antara RM50 hingga RM70," katanya di Stor Ekshibit Bukit Raja di sini, semalam.

Beliau berkata, selain daging kerbau, pihaknya tu-

rut melupuskan barangan tiruan seperti pakaian, kasut, baju, cermin mata dan aksesori telefon.

Katanya, tindakan itu berdasarkan 27 kes dari 2020 hingga 2021 membabitkan nilai keseluruhan RM340,000.

"Pelupusan ini adalah selepas kesemua kes berkenaan dijatuhkan hukum di mahkamah.

"Kes rampasan ini membabitkan pelanggaran Akta Hak Cipta 1987, Akta Kawalan Bekalan 1961, Akta Perihal Dagangan 2011, Akta Cap Dagangan 2019 dan Akta Kawalan Harga dan Antipencatutan 2011," katanya.

**Berdasarkan
kes dari 2020 hingga
2021 babit nilai
RM340,000**

SLATED FOR DISPOSAL

... Selangor Domestic Trade and Consumer Affairs Ministry chief enforcement officer Mohd Khairi Jamaludin (centre) at the ministry's exhibit storage facility in Bukit Raja, Shah Alam yesterday with some of the counterfeit goods worth RM340,000 seized in 2020 and 2021 scheduled for disposal yesterday. — **BERNAMAPIX**



FOMCA minta pengguna buat aduan

Kuala Lumpur: Penamatan Penentuan Harga Maksimum Ayam hujung bulan ini dijangka boleh menstabilkan harga ayam di pasaran.

Timbalan Presiden Gabungan Persatuan Pengguna Malaysia (FOMCA), Mohd Yusof Abdul Rahman, berkata apabila harga siling ayam ditetapkan kepada RM8.90, berlaku masalah bekalan ayam.

Namun, jika harga ditetapkan mengikut pasaran, harga ayam boleh distabilkan.

"Tindakan kerajaan untuk menyalurkan bantuan terus kepada golongan B40 adalah satu tindakan baik. Sebelum ini apabila kerajaan menetapkan harga siling, kerajaan terpaksa membayar subsidi kepada penternak.

"Lebih kurang 30 peratus sahaja penternak menuntut subsidi yang sudah diperuntukkan.

"Selebihnya tidak melakukan sebarang tuntutan," katanya.

Yusof turut menyeru pengguna untuk membuat aduan jika terdapat peniaga yang meletakkan harga melebihi harga pasaran.

"Pemantauan yang dijalankan sebelum ini tidak berapa berkesan kerana bilangan pasar yang ada di Malaysia banyak manakala bilangan penguat kuasa adalah terhad.

"Justeru, kerjasama semua pengguna diperlukan untuk melaporkan aduan kepada Kementerian Perdagangan Dalam Negeri dan Hal Ehwal Pengguna (KPDNHEP).

"KPDNHEP akan memberikan notis kepada peniaga dan jika mereka gagal untuk memberikan sebab yang munasabah, tindakan di bawah Akta Kawalan Harga dan Anti Pencatutan.

"Kerajaan sudah mewujudkan pelbagai saluran untuk melakukan aduan pengguna perlu bertindak," katanya.

Yusof juga menyarankan pengguna supaya mempelbagaikan juadah mereka untuk mengurangkan permintaan ayam.

Katanya, ini berikutan, harga pasaran adalah berdasarkan permintaan.

Jika permintaan melebihi bekalan yang ada harga akan melambung naik.

162kg daging kerbau diisytihar rusa dilupus

SHAH ALAM – Sejumlah 162 kilogram (kg) daging kerbau yang diisytiharkan sebagai daging rusa antara yang dilupuskan dalam program Pelupusan Ekshibit Perdana Kementerian Perdagangan Dalam Negeri dan Hal Ehwal Pengguna (KPDN-HEP) Selangor semalam.

Ketua Pegawai Penguatkuasa KPDNHEP Selangor, Mohd. Khairi Jamaludin berkata, barangan kes itu dirampas dari sebuah kedai pemborong di Taman Sri Muda, Seksyen 25 di sini pada tahun 2020.

Katanya, nilai daging dirampas kira-kira lebih RM1,000.

"Mereka ambil kesempatan mengaut keuntungan dengan

mengisytiharkan daging kerbau kepada daging rusa.

"Sekilogram daging kerbau hanya pada harga RM28 berbanding daging rusa asli di antara RM50 hingga RM70," katanya ketika ditemui pada program itu di sini semalam.

Ujarnya, selain daging, antara barangan turut dilupuskan adalah barangan tiruan seperti pakaian, kasut, baju, cermin mata dan aksesori telefon.

Kes disiasat di bawah Akta Hak Cipta 1987, Akta Kawalan Bekalan 1961, Akta Perihal Dagangan 2011, Akta Cap Dagangan 2019 dan Akta Kawalan Harga dan Antipencatutan 2011.



MOHD. KHAIRI (tengah) menunjukkan daging kerbau yang dilupuskan di Shah Alam semalam.

 Sensaral Harga Barang Keperluan	• Ayam	RM7.99	• Telur Gred A	RM12.60	• Gula Pasir	RM2.75	• Cili Merah	RM12
	• Daging Lembu Tempatan	RM42.99	• Ikan Kembung	RM14.90	• Bawang Besar Holland	RM2.50	• Kubis Bulat Tempatan	RM3.20
	• Daging Lembu Import	RM28	• Minyak Masak	RM6.50	• Bawang Putih	RM5.50	• Tepung Gandum	RM2.30

**Harga (RM/kg) Sumber: KPDN/HEP*